



ინტერვიუ უკრაინის მართლმადიდებელი ეკლესიის საქმეთა მმართველთან ბორისპოლისა და ბროვარის მიტროპოლიტ ანტონისთან



უკრაინის მართლმადიდებელი ეკლესიის საქმეთა მმართველმა ბორისპოლისა და ბროვარის მიტროპოლიტმა ანტონიმ ინტერვიუ მისცა უკრაინულ საინფორმაციო ტელეარხს *Newsone*.

– როგორ ემზადება უკრაინის მართლმადიდებელი ეკლესია 2021 წლის ჯვრით მსვლელობისთვის?

– ისევე, როგორც წინა წლებში. მორწმუნეები თავიანთი ეპარქიების სამრევლოებში მოაწყობენ

მომლოცველთა ჯგუფებს ქალაქისკენ მსვლელობისთვის, ჩვენ კი აქ, ადგილზე, კიევის სამიტროპოლიტოს ძალებით, დაკავებულები ვართ ყველა აუცილებელი ღონისძიების საორგანიზაციო საკითხებით. ამ ყველაფრის დიაპაზონი ვრცელია – ჩამოსულთა განთავსების საკითხიდან, ვიდრე ხელისუფლებასთან საპროცესო საქმეების შეთანხმებამდე, რაც დაკავშირებულია ჯვრით მსვლელობასთან.

აღვნიშნავ, რომ განსაკუთრებული ყურადღება დავუთმეთ საკარანტინო ზომების საკითხებს. პირველ რიგში, ეკლესიის იერარქები მოუწოდებენ ყველა მორწმუნეს, რომლებიც თავს სუსტად გრძნობენ, თავი შეიკავონ ქალაქისკენ მოგზაურობისგან. მეორე რიგში, ყველა ავტობუსში, რომლითაც მორწმუნეები ეპარქიებიდან კიევში გამოემგზავრებიან, ჩასხდომამდე მგზავრებს ტემპერატურას გაუზომავენ. ასევე გათვალისწინებულია მორწმუნეების მხრიდან სამედიცინო პირბადეების გამოყენება.

ამასთან ერთად, ჩვენ იმედი გვაქვს სახელმწიფო ორგანოების ეფექტური მუშაობისა, რომლებიც უზრუნველყოფენ ჩვენი მსვლელობის უსაფრთხოებას. იმის გათვალისწინებით, რომ არ არის უბრალო სიტუაცია, რაც არცთუ დიდი ხანია დამყარდა პოლიტიკურ სივრცეში, ასევე გარკვეული ძალების გამიზნულობა საზოგადოებრივი ვითარების არევისა, ყველაფერი შეიძლება მოხდეს.

პირველ რიგში, მხედველობაში მაქვს პროვოკაციების საფრთხე, რომელთა მიზანიც შეიძლება იყოს ჩვენი ეკლესიის საინფორმაციო დისკრედიტაცია. სამწუხაროდ, წინა წლებში ჩვენ მსგავს ამბებს გადავეყარეთ. მაგალითად, როდესაც ერთი კონკრეტული პროვოკატორის ქმედებამ, რომელიც შეერია ლოცვით მსვლელობას აკრძალული პოლიტიკური სიმბოლიკით, მასმედიის ზოგიერთი წარმომადგენლი შეეცადა, წარმოეჩინა ეს, როგორც მთელი უკრაინის მართლმადიდებელი ეკლესიის პოზიცია.

ვიმედოვნებთ, რომ წელს არაფერი შეზღავნავს ჩვენს დიდ დღესასწაულს. ეს ხომ ჩვენი საერთო საქმეა და ჩვენი საერთო ინტერესია – რომ უკრაინისთვის და ჩვენი ხალხისთვის ღმერთს ლოცვით მიმართოს ერთდროულად ათასობით მორწმუნის გულმა. ასეთი ლოცვის ძალა ნამდვილად დიდია.

– გაუგზავნით თუ არა მონვევას ვ. ზელენსკის, რომ ჯვრით მსვლელობაში მონაწილეობა მიიღოს?

– როგორც ასეთი, არ გვაქვს მსგავსი მონვევის გაგზავნის ტრადიცია უმაღლესი სახელმწიფო ჩინოვნიკებისათვის, და აქ საქმე მარტო იმაში არ არის, რომ კონსტიტუციით დადგენილია ნორმა, ეკლესიის სახელმწიფოსგან გამოყოფის შესახებ,

საზოგადო ლოცვაში მონაწილეობა ყოველთვის უნდა იყოს გულიდან გამომავალი მოწოდება. თუკი რომელიმე უმაღლესი თანამდებობის პირი, მართლმადიდებელი, იგრძნობს მსგავს გულისმიერ ძახილს, ჩვენ მას ყოველთვის სიხარულით მხარს დავუჭერთ.

მთავარია – რომ ეს არ იყოს რაღაც „ვალდებულება“ ან ფორმლობა. ეს ხომ პოლიტიკური მიტინგი ან შეკრება არ არის.

აქ მნიშვნელოვანია გულწრფელობისა და რწმენის მომენტი. თუკი ეს არსებობს, მაშინ ნებისმიერი ადამიანი – იქნება ის მინისტრი თუ უბრალო მუშა – შესემნილი იქნება ღვთისგან.

– მოსალოდნელია თუ არა ჯვრით მსვლელობაზე სხვა მართლმადიდებელი ეკლესიების დელეგაციების ჩამოსვლა?

– დიახ, ლოცვით მსვლელობას დაესწრებიან ოფიციალური დელეგაციები ანტიოქიის, სერბეთისა და ჩეხეთის ეკლესიებისა. მათში შედიან როგორც ეპისკოპოსები, ისე მღვდლებიც ერისკაცებთან ერთად.

საინტერესოა, რომ ჩვენს ჯვრით მსვლელობაზე დასწრების ინიციატივა ბევრწილად თავად სხვა ადგილობრივი ეკლესიების წარმომადგენლებისგან მოდის. მაგალითად, ჩვენთან რუსეთის ნათლობის დღეზე მომლოცველთა ჯგუფი ჩერნოგორიიდან ჩამოვიდა. მის უკრაინული მართლმადიდებელი ეკლესიის ჯვრით მსვლელობა – ეს უკვე საყოველთაო მართლმადიდებლური მნიშვნელობისა და მამუტაბის მოვლენაა.

ამის ფონზე შეიძლება ითქვას, რომ მრავალი მორწმუნე სხვა ქვეყნებიდან სიამოვნებით მოემგზავრება კიევი იმისათვის, რომ თავიანთ ძმებთან და დებთან ერთად გაიზიარონ ღვთისადმი საერთო ლოცვის სიხარული.

– რას მიეძღვნება მომავალი ჯვრით მსვლელობა?

წელს ის მიეძღვნება წმინდა მართლმადიდებლობის ერთგულების იდეას.

ერთის მხრივ, უნდა აღინიშნოს, რომ ეს ასპექტი ძალიან ახლოსაა ყველა ჩვენგანთან, უკრაინელთან. რამეთუ მართლმადიდებლური სარწმუნოებისთვის ბრძოლაში, მის დაცვაში, ჩამოყალიბდა ჩვენი იდენტობა, ჩვენი კოლექტიური და სახელმწიფო ცნობიერება.

მოდით გავიხსენოთ ისტორია. როგორ იქცეოდა ზოგიერთი ძალა, რომელიც გარკვეული ეტაპი ფლობდა ჩვენი ქვეყნის ტერიტორიების ნაწილს? ისინი ცდილობდნენ, წარეხოცათ ჩვენი იდენტობა, თავიანთი ხალხის ნაწილად გავეხადეთ, ჩვენზე ებატონათ არა მხოლოდ გარეგნულად, არამედ შინაგან დონეზეც. ამისთვის სხვადასხვა ნაბიჯი გადაიდგებოდა, მაგრამ მათთვის მთავარი იყო შეტევა განეხორციელებინათ ჩვენს მართლმადიდებლურ სარწმუნოებაზე. რადგანაც ითვლება, რომ თუკი ჩვენ მასზე უარს ვიტყვით, მაშინ შეძლებენ ჩვენს წარმატებულ ასიმილირებას. ფაქტიურად საუბარი მიდიოდა არა მარტო სულიერი, არამედ პოლიტიკური, კულტურული და ა.შ. ცნობიერების კოდირების შეცვლაზე უკრაინელი ხალხისთვის.

ჩვენ წინაპრებს ეს კარგად ესმოდათ და ამიტომაც ბოლომდე იბრძოდნენ სარწმუნოებისთვის. დღეს ჩვენ გვმართებს მთელი ძალებით მოვუფრთხილდეთ და შევინარჩუნოთ ის, რისთვისაც უკრაინელების წინა თაობები საკუთარ სიცოცხლესაც კი არ იშურებდნენ.

რა თქმა უნდა, ეს ძალიან რთული ამოცანაა. ჩვენს ქვეყანაში დათესილმა საეკლესიო განხეთქილებამ, მოსავლად მოიტანა მტრობა, კონფლიქტი და კანონინიკური მართლმადიდებლობის განადგურების სხვადასხვა გეგმა. ამასთანავე, მოცემულ ეტაპზე ამ განხეთქილებით ცდილობენ შეცვალონ ნამდვილი უკრაინული მართლმადიდებელი ეკლესია, ავინყდებათ რომ, შეუძლებელია შეიცვალოს წმინდა წყალი ბიძურით მთელი ერის სულიერი ჯანმრთელობის დაზიანების გარეშე.

სწორედ ამიტომ არის ასე აუცილებელი წმინდა მართლმადიდებლობის ერთგულების თემა. თუკი ჩვენ მისგან განვარდებით, თუკი ჩვენ დავენებდებით ღმერთის ოქროს ხბოთი შეცვლის მცდელობას, რის უკანაც იხილვება სხვადასხვა პოლიტიკური და იედილოგიური კონცეპცია, მაშინ ჩვენი გვემუქრება ცხოველმყოფელი ვაზიდან, – რომელიც თავად ქრისტეა, – მოკვეთილ, გამხმარ ტოტად ქცევა. ხოლო როგორც ცნობილია, გამხმარ ტოტს მხოლოდ ერთი მომავალი აქვს, და ის არცთუ შესაშურია.

მეორე მხრივ, ისიც უნდა გვახსოვდეს, თუ რა ხდება ჩვენი ქვეყნის საზღვრებს მიღმა.

საუბარი იმაზეც აღარ არ არის, რომ უკრაინის განხეთქილების აღიარების ჭაობში ეს თუ ის ადგილობრივი ეკლესია ეფლობა, რაც საერთო მსოფლიო მართლმადიდებლობის გაყოფის საფრთხეს ქმნის. ჩვენ თვალწინ უკრაინის განხეთქილების მალეგალიზებული ძალები „მართლმადიდებლობის“ საკუთარ ვერსიას აყალიბებენ. ეს ვერსია ნამდვილად გვაშინებს, რადგან მისგან ცივად უბერავს არა მარტო უდიდესი ამპარტავნება, არამედ ჭეშმარიტი სარწმუნოებისგან განდგომაც.

რამდენად ღირს, მაგალითად, რამდენიმე ხნის წინ ამერიკის ბერძნული სამთავარეპისკოპოსოს მეთაურის, მთავარეპისკოპოს ელპიდოფორეს სიტყვები იმის შესახებ, რომ ღმერთამდე მრავალი გზა მიდის? ამასთან, ამ იერარქმა საჯაროდ ერთ დონეზე დააყენა ყველა რელიგია, გაათანაბრა ისინი, ეს კი, მართლმადიდებლური სწავლების თანახმად, აშკარა ერესია.

ფანარის ამ და სხვა ნაბიჯების ფონზე, ჩნდება სამართლიანი კითხვა – სად წაიყვანს უკრაინელ მართლმადიდებელ მორწმუნეებს კონსტანტინეპოლის საპატრიარქო, თუკი ის მრავალ ასპექტიში უკვე აშკარად უარყოფს მართლმადიდებელი სარწმუნოების საფუძვლებს? დარწმუნებული ვარ, რომ ყველას ესმის ამ კითხვის რიტორიკული შინაარსი და ის, თუ რატომ არის ახლა ასეთი აქტუალური წმინდა მართლმადიდებლობის ერთგულების იდეა.

– როგორი რიცხოვნობის და ხარისხობრივი შემადგენლობით ხვდება უკრაინის მართლმადიდებელი ეკლესია 2021 წლის ჯვრით მსვლელობას?

- დიდება უფალს, ჩვენი ეკლესია, მიუხედავად უკანასკნელი წლების ზენოლისა და ჩვენი მორწმუნეების უფლებების დარღვევისა, განაგრძობს განვითარებასა და ზრდას.

განსაკუთრებით სასიხარულოა, რომ თანდათან შენდება ტაძრები იმ თემებისთვის, რომლებიც დაზიანდნენ „მეუ“-ს მომხრე რეიდერების თავდასხმებისგან. უკანასკნელი მაგალითი – 24 ივლისს ტაძრის კურთხევა როგენის ოლქის სოფელ ბუშჩაში, რომელიც აიგო 2019 წელს ძალის გამოყენებით და კლიტეების გატეხვით მიტაცებული ეკლესიის ნაცვლად.

თუკი რიცხვებზე ვილაპარაკებთ, მაშინ უკრაინის მართლმადიდებელი ეკლესია ეს არის: ეპისკოპოსი – 110, ეპარქია – 53, მღვდელმსახური – 12 456, სამრევლო – 12 374, მონაზონი – 4 548, მონასტერი – 255 .

შესაბამისი ცვლილებები და 2021 წლის საბოლოო მონაცემები შეჯამებული იქნება ჩემს ანგარაშში ამა წლის ბოლოს.

- რამდენი ადამიანის ნახვას ელოდებით მომავალ ჯვრით მსვლელობაზე?

- ჩვენ არასდროს მივსდევდით ამ საკითხში ციფრებს. რამდენი ადამიანიც არ უნდა მოვიდეს, მნიშვნელოვანია იქნება ის, რომ აღსრულდება კრებისთი ლოცვა, რომ ყველა ერთობლივი ლოცვით შესთხოვს ღმერთს წყალობას ჩვენი მშობლიური მიწისთვის.

რა თქმა უნდა, პანდემიის ფაქტორმა და მისმა შედეგებმა შეიძლება შეიტანოს გარკვეული კორექტირება ლოცვით მსვლელობის მონაწილეთა რაოდენობაში, თუმცა ეს არ არის მთავარი. გასულ წელს ხომ საერთოდ არ გვქონია საშუალება, ჩაგვატარებინა ლიტანიობა. წელს კი უფალმა გვიბოძა ასეთი წყალობა.